

Tala'aga Taita'ifono ma sui auai o le Health New Zealand ma le Māori Health Authority

Health New Zealand

Rob Campbell CNZM -Ta'ita'ifono, Health NZ

O Rob Campbell, CNZM CFIInstD, o se faatonu e telē lona tomai faapolōfesa i mataupu tau iuni i lona tulaga lautele, silia ma le 40 tausaga o le tomai i pulega o vaega tumaoti ma tagata lautele, e lē gata i le lotoifale ae faapea foi i le vā o malō. E aumau o ia i Aukilani.

O ana matāfaioi faata'ita'ifono e aofia ai le Ara Ake Ltd, SkyCity Entertainment Group Ltd, Tourism Holdings Ltd, WEL Networks, NZ Rural Land Company ma le Fa'a Ao o le Iunivesitē Faatekonolosi o Aukilani (Auckland University of Technology). E ta'ita'ifono fo'i i le Just Move Trust lea e galulue faatasi ma komiuniti a Aukilani i Saute ma Aukilani i Sisifo i le faalauiloaina o polokalame tau le soifua malōlōina.

I le 2017 na tauaao atu ai ia te ia le faailoga o le NZ Shareholders Association Beacon Award ma le Deloitte NZ Chair of the Year Award, a'o le 2019 na tauaao iai le faailoga o le Companion of the New Zealand Order of Merit ma avea ai o se sui faaaloologia o ē sa a'otauina i le Iunivesitē o Vitoria (Distinguished Alumni of Victoria University).

Hon. Amy Adams

O Amy Adams sa avea o se faipule o le Vaega faaupufai a le National (New Zealand National Party), sa avea foi o se sui o le Palemene mo Selwyn mai le 2008 sei'a o'o ina litaea i le 2020 ma sa avea foi o se minisitā o le Kapeneta mai le 2011-2017. E aumau o ia i Canterbury.

Sa faau'u mai i le Iunivesitē o Canterbury i se tulaga faaaloologia aupito maualuga i mataupu tau le tulafono ma sa faigaluega fo'i o se loia ma se paaga sinia i mataupu patino i tulaga tau pisinisi ma tulafono o fale mo Mortlock McCormack i Kalaiestetete a'o le'i ulufale i le Palemene, i le uluai taimi na tulai mai ai, na tofia ai o ia e avea ma ta'ita'ifono o komiti filifilia mo Tulaga tau tupe ma Tupe faaalu faapea le komiti filifilia mo Tulafono o Faigapalota, ma sa galue foi o se sui o le Komiti o Iloiloga mo Faamasinoga ma Tulafono toe iloilo.

O tofiga faa minisitā (ministerial portfolios) o Adams e aofia ai le avea ma minisitā mo le Siosiomaga, Feso'otaiga ma Faamatalaga Faatekonolosi, Ofisa o Mataupu Faalotoifale, Faamasinoga, Faasalalauga, Mataupu tau Fale ma Inivesi ma le minisitā lagolago o le Canterbury Earthquake Recovery.

Ms Cassandra Crowley

O Cassandra Crowley o se Su'etusi ua ausia le tulaga aupito i maualuga i lea auunaga (Chartered accountant) ma o se loia foi o le Faamasinoga Maualuga o Niu Sila. Na te umia ni matāfaioi tau pulega i totonu o vaega eseese o le tamāoaiga i le North Island. E aumau o ia i Rotorua

O lo'o avea nei o ia ma Faufautua (Commercial Advisor) i le Te Arawa Management ma o lo'o puleaina le silia ma le \$100 miliona o aseta a lea kulupu e lē gata i faatoaga, togālaau 'aina, fale gaosimea ma vaega tau fale. Sa faigaluega foi o ia i le Ngāruahine e lē gata i le puleaina o aseta a lea kulupu e ala i maliega faai'u (post settlement) ae o le ta'ita'iina o se faalapotopotoga sa aofia ai ma se vaega tele o meafai tau pisinisi ma auunaga fesoasoani (charity).

O le tomā faalē soifua maloloina o Crowley e aofia ai le avea ma tā'ita'ifono o Pulega a Falema'i faaitumalō (DHB's) e 20, avea ma tā'ita'ifono i fonotaga a tā'ita'ifono uma a Pulega o Falema'i faaitumalō (DHB Chairs) ma sa avea foi o se sootaga i le va o Ofisa Sili uma i le atunuu, le Matagaluega o le Soifua Maloloina ma Minisitā o le Soifua Maloloina, ma isi totino eseese. O lo'o avea nei o ia ma tā'ita'ifono, o le Pulega o le Falema'i Faaitumalō i Taranaki (Taranaki District Health Board).

Vui Mark Gosche

O Vui Mark Gosche o se taitai sinia e lē gata i le komiuniti Samoa ae faapea foi i komiuniti a le Pasefika aemaise le soifua maloloina, manaoga tumau ma isi vaega o le komiuniti i Niu Sila. E aumau i Aukilani.

Soifua a'e ma a'oa'oina i Aukilani i Saute, o Vui Mark sa avea ma sui aloaia o le Luni a Tagata Faigaluega, le Northern Hotel, Hospital and Restaurant Workers Union, ma sa avea ma Failautusi Aoao mo le tele o tausaga. Na ulufale i le Patī a le Leipa (Labour Party) i le 1981 ma sa uluai faatuina i le Palemene i le 1996 ma umia nisi o tulaga o le Kapeneta e aofia ai le avea ma Minisitā o Fale, Minisitā o Fela'ua'iga ma Minisitā o Mataupu tau atumotu o le Pasefika. Na litaea mai le polokiki i le 2008.

O le taimi nei o loo avea Vui Mark Gosche ma tā'ita'ifono o le Pulega a le Falema'i Faaitumalō a Counties Manukau (Counties Manukau District Health Board) ma taita'ifono o le Kāinga Ora Homes ma Pulega a Komuniti.

Dame Dr Karen Poutasi

O Dame Dr Karen Poutasi o se tamālii e iai lona tomā faafoma'i e patino ile soifua maloloina lautele ma e iai ona tomā tāua tau pulega ma tomā faata'ita'i i vaega tau soifua maloloina ma a'oa'oga. O ona tofiga e aofia ai le avea ma Ofisa Sili o le New Zealand Qualifications Authority ma le Faatonu Aoao o le Soifua Maloloina. E aumau o ia i Paraparaumu.

O Dame Karen o lo'o avea nei ma Komesina o le Pulega a le Falema'i faaitumalō i Waikato (Waikato DHB), tā'ita'ifono o le COVID-19 Vaccine Immunisation Programme Governance Group, tā'ita'ifono o le Wellington Uni-Professional, o se vaega o le Lunivesitē o Vitoria i Ueligitone ma le tā'ita'ifono o le Taumata Arowai, le pule o auaunaga tau suavai.

O Dame Karen o le sui tā'ita'ifono fo'i ma le Faatonu o le Network for Learning ma le tā'ita'ifono o le New Zealand Committee for Harkness Fellowships.

Ms Vanessa Stoddart

O Vanessa Stoddart o se tā'ita'i sinia e 30 tausaga le tomā i galuega tau faaululuga ma pulega i mataupu tau gaosiga ma le teuina o oloa aemaise auaunaga tau inisinia. Na amata o se loia faapisinisi peitai ua faasee ane nei Stoddart i tulaga tau pulega, faaleleia o le galue ma matāfaioi faata'ita'i a'o le'i avea ma faaululuga o le Carter Holt Harvey Packaging Group i Ausetalia ma ia umia ai isi matāfaioi tau ofisa sinia i le Air New Zealand. E aumau i Aukilani.

O Stoddart o se tagata faau'u mai le Australian Institute of Directors ma o se sui o le New Zealand Institute of Directors. O tofiga faalē malō e aofia ai le avea ma sui o le Better Public Services Advisory Group, Doc Audit ma le Risk Committee, Defence Employer Support Council, tā'ita'ifono o le Audit and Risk Committee a le MBIE ma o se sui foi o le Komisi o A'oa'oga Mauuluga (Tertiary Education Commission). Sa avea foi o ia ma tā'ita'ifono o le Global Women.

O lo’o avea nei Stoddart ma faatonu tutoatasi mo le The New Zealand Refining Company Ltd, OneFortyOne Plantations Pty Ltd, ma o se sui o le Pulega a Maketi o Tupe (Financial Markets Authority).

Dr Curtis Walker (Te Whakatōhea rāua ko Ngāti Porou)

O Dr Curtis Walker e aumau i Palmerston North ma o se foma’i faapitoa mo fatuga’o i le pulega a le falema’i faaitumalō i MidCentral (MidCentral DHB). E telē lona tomai i tulaga tau pulega ma ta’ita’iga faafoma’i ma polisi lautele.

Sa avea o ia ma foma’i manu (vet), o Dr Walker na toe toleniina i tulaga o vailaau ma fualaau mo tagata, na amata ai lana galuega i le falema’i i Waikato, na ia amataina ai le internal medicine training ae lei toe see atu i Palmerston North ma Ueligitone e faamae’a ai lana a’oa’oga faa foma’i faapitoa, ma avea ai o ia ma sui o le Royal Australasian College of Physicians i le 2015.

O lana galuega sa matele lava i tulaga o auaunaga i ofisa faafoma’i (secondary and tertiary provisions) ma sa aofia ai ma matāfaioi tau pulega i le soifua maloloina, e aofia ai le avea ma Peresetene o le New Zealand Resident Doctors Association, Sui ta’ita’ifono o le Māori Medical Practitioners Association ma le ta’ita’iga o le Kulupu faufautua a le Matagaluega o le Soifua Maloloina i auaunaga ua faatulaga mo le tausia o soifua, le Health Planned Care Equity Advisory Group. O ia o lo’o avea nei ma ta’ita’ifono o le Medical Council of New Zealand.

Ms Sharon Shea (Ngāti Ranginui, Ngāti Hauā, Ngāti Hine, Ngāti Hako)

Sui o le Fono faatonu ma o le sui fo’i o le Māori Health Authority i le Fono faatonu a le Health NZ

O Sharon Shea e iai ona faailoga BA/LLB (Aukilani) ma le Masters in Comparative Social Policy (Distinction) mai le Iunivesitē o Oxford. O Shea e iai ona tomai faapitoa i mataupu tau pulega ma ta’ita’iga i vaega e pei o le soifua maloloina, manaoga tumau ma vaega o le komiuniti. E aumau i Tāmaki Makaurau/Aukilani.

O lo’o avea nei o ia ma ta’ita’ifono o le DHB a Bay of Plenty ma sa avea foi ma sui auai o le Fono faatonu, o le ta’ita’ifono fo’i o le soā komiti i DHBs i Aukilani ma Northland. Sa avea fo’i o ia ma sui auai o le Fono faatonu a nisi auaunaga faalē soifua maloloina, soifua maloloina o komiuniti ma faalapotopotoga tuma’oti e aofia ai le NZ Railways Corporation, Alliance Health Plus PHO ma se auaunaga tau tekonoosi.

O Shea sa ta’ita’ifono i le Māori Expert Advisory Group i le faatinoina o le Iloiloga i le vaega o le Soifua maloloina ma Manaoga tumau (Health and Disability Sector Review). O isi matāfaioi na galue ai i pulega tau le soifua maloloina e aofia ai nofoaga faaitūlagi ma le atunuu aoao i le soifua maloloina o tagata Maoli, faaputugātupe ma le faalauteleina o auaunaga tau Maoli ma ona tagata faigaluega (o se vaega o ofisa o le malō).

O Shea e umia/puleaina se kamupanī umia saoloto faa faufautua mo galuega lautele, le Shea Pita & Associates Ltd, ma e lautele le tomai i auaunaga ma faiga faata’atitia mo pisinisi, fua aga’i i le i’uga o mea ma faamatalaga. E telē le tomai o Shea i vaega tau le soifua maloloina ma e iai fo’i lona tomai i tulaga tau a’oa’oga, faasa’oga, faamasinoga ma auaunaga tau le soifua manuia o tagata ma le faalauteleina o tautua Maoli e pei o le Whanau Ora ma le Whanau Resilience/Manawaroa.

Māori Health Authority

Ms Sharon Shea (Ngāti Ranginui, Ngāti Hauā, Ngāti Hine, Ngāti Hako)

Leisi-taitaifono, o le Māori Health Authority; ma le sui o le Māori Health Authority i le Fono faatonu a le Health New Zealand

O Sharon Shea e iai ona faailoga BA/LLB (Aukilani) ma le Masters in Comparative Social Policy (Distinction) mai le lunivesitē o Oxford. O Shea e iai ona tomai faapitoa i mataupu tau pulega ma ta'ita'iga i vaega e pei o le soifua maloloina, manaoga tumau ma vaega o le komiuniti. E aumau i Tāmaki Makaurau/Aukilani.

O lo'o avea nei o ia ma ta'ita'ifono o le DHB a Bay of Plenty ma sa avea foi ma sui auai o le Fono faatonu ma le ta'ita'ifono o le soā komiti i DHBs i Aukilani ma Northland. Sa avea fo'i o ia ma sui auai o le Fono faatonu a nisi auaunaga faalē soifua maloloina, soifua maloloina o komiuniti ma faalapotopotoga tuma'oti e aofia ai le NZ Railways Corporation, Alliance Health Plus PHO ma se auaunaga tau tekonoosi.

O Shea sa ta'ita'ifono i le Maori Expert Advisory Group i le faatinoina o le Iloiloga i le vaega o le Soifua maloloina ma Manaoga tumau (Health and Disability Sector Review). O isi matāfaioi na galue ai i pulega tau le soifua maloloina e aofia ai nofoaga faaitūlagi ma le atunuu aoao i le soifua maloloina o tagata Maoli, faaputugātupe ma le faalauteleina o auaunaga tau Maoli ma ona tagata faigaluega (o se vaega o ofisa o le malō).

O Shea e umia/puleaina se kamupanī umia saoloto faa faufautua mo galuega lautele, le Shea Pita & Associates Ltd, ma e lautele le tomai i auaunaga ma faiga faata'atitia mo pisinisi, fua aga'i i le i'uga o mea ma faamatalaga. E telē le tomai o Shea i vaega tau le soifua maloloina ma e iai fo'i lona tomai i tulaga tau a'oa'oga, faasa'oga, faamasinoga ma auaunaga tau le soifua manuia o tagata ma le faalauteleina o tautua Maoli e pei o le Whanau Ora ma le Whanau Resilience/Manawaroa.

Ms Tipa Mahuta (Waikato, Maniapoto e Ngāpuhi)

Leisi ta'ita'ifono, Maori Health Authority

O Tipa Mahuta e iai lona tala'aga i tulaga tau i le tu'ufaatasia, suesu'eina, faalauteleina o polisi ma komiuniti ma le silia ma le 20 tausaga o lona tomai i pulega a Iwi. E aumau i Waahi Pa i Huntly.

O Mahuta o lo'o avea nei ma Sui ta'ita'ifono o le Counties Manukau DHB ma o le ta'ita'ifono o le Taumata Arowai Māori Advisory Group, o se faufautua i le Pulega a le Faaitūlagi o Waikato ma o leisi ta'ita'ifono o le Waikato River Authority ma o se sui auai o le Fono faatonu a le Te Kotahi Research Centre.

O Mahuta sa galue fo'i i vaega eseese o iwi ma fono faatonu a komiuniti e aofia ai le Iwi Māori Council i le Waikato DHB ma le Tainui Group Holdings. E iai fo'i lona tomai i pulega tau le siosiomaga, sa galue fo'i i le Waikato Conservancy.

Dr Sue Crengle (Ngāi Tahu, Ngāti Māmoē, Waitaha)

O Dr Sue Crengle e faapitoa lona tomai i auaunaga lautele ma vailaau/fualaau manaomia mo le soifua maloloina lautele ma sa galue o se tagata suesu'e mo le silia ma le 25 tausaga. O ia o se Polōfesa, i le Hauora Māori, i le Otago Medical School. O le tele o lana galuega e aofia ai le sailia lea po'o fea ae pe faapefea fo'i ona tulai mai ni tulaga lē tonu i le soifua maloloina aemaise o le faata'ita'ia o ni auala e aveesea ai ia tulaga. E aumau i Invercargill.

O Dr Crengle e lautele lona silafia ma le tomai tau le soifua maloloina ma lona faagasologa, o auaunaga tausi soifua ma le soifua maloloina lautele e lē gata i le Kaupapa Māori ma faatulagana autū ae telē le tomai i le galulue ai ma komiuniti a Maoli ma faalapopotoga e iai malamalamaaga i le Te Tiriti o Waitangi fua i luga o faiga faata'atitia ma faava'a o galuega pe a apalai i le soifua maloloina.

O Dr Crengle o se sui faavae o le Te Ora ma e aofia i le saofa'iga a foma'i sinia a le Taumata.

Dr Mataroria Lyndon (Ngāti Hine, Ngāpuhi, Ngāti Whātua, Ngāti Wai, Waikato)

O Dr Mataroria Lyndon o le faaulu (Equity Lead) i le Mahitahi Hauora Primary Health Organisation ma o se Faiaoga Sinia i le vaega o A'oa'oga faafoma'i i le Lunivesitē o Aukilani. O ia foi leisi na amataina ma avea ma Faatonu o le Tend Health ma o leisi foi lea fofoga o le polokalame faafoma'i faasolo a le TVNZ, le 'The Check Up'. Sa avea o ia ma foma'i ulu mo le Māori Health i le Counties Manukau DHB. E aumau i Tāmaki Makaurau.

O Dr Lyndon o le Sui ta'ita'ifono o le Te Hiringa Hauora Health Promotion Agency, ma o se sui auai o le Fono faatonu o le Northland DHB, Aktive ma le Healthy Heart Aotearoa Centre of Research Excellence.

Na faamae'a lana Master of Public Health i le Lunivesitē o Harvard, o se sikolasipi a le Fulbright ma o lana faailoga ole foma'i o le tofāmanino i a'oa'oga faafoma'i. Na tuuina foi ia te ia le Deloitte IPANZ Public Sector Young Professional of the Year i le 2016.

Lady Tureiti Moxon (Ngāti Pahauwera, Ngāti Kahungunu, Kāi Tahu)

O Lady Tureiti Moxon o se taita'i ua lava le tomai i le soifua maloloina o tagata Maoli, a'oa'oga, soifua manuia o tagata ma le faamasinoga, i se tulaga faalotoifale, faaitūlagi ma le atunuu aoao. E aumau i Kirikiriroa i Hamilton.

O Lady Moxon o le Pule Faatonu o le Te Kōhao Health i Hamilton ma sa faalauiloa faalaua'itele talu ai nei e ala i le tuuina iai o le Matariki Award, Te Tupu-a-Rangi mo le Soifua Maloloina ma le Faa Saienisi. O le taimi nei o lo'o ta'ita'ia e Te Kōhao auaunaga e fitu faapaaga a le Whanau Ora i Hauraki, Waikato, Maniapoto ma Raukawa ma na te vaaia foi se nofoaga faafoma'i, falema'i laiti e lua mo gasegase tausavali (satellite clinics), se Kōhungahunga (tamaiti laiti, 0-4 tausaga) ma se Puna Reo (Aoga amata, 3-4 tausaga).

O Lady Moxon e galue i se aofa'iga o fono faatonu e aofia ai ma le avea o ia ma ta'ita'ifono o le National Māori Urban Authority, o se Pule faalē tulafono (Trustee) o le Hauraki Primary Health Organisation ma o se faatinā o le Breast Cancer Research Trust.

I le tuana'i sa ia faatuina ai le tele o Kōhanga Reo (Aoga faata'ita'i) i faaitū e pei o Waikato, Hauraki ma Maniapoto ma sa avea fo'i ma loia i le ofisa loia o McCaw Lewis Chapman (McCaw Lewis Lawyers) i Hamilton i le tulafono ole eleele a Maoli ma filosofia faaletulafono faatatau i feagaiga ma feso'ota'iga.

O Lady Moxon o se tagata sa talosaga i le Hauora Claim – WAI 1315/2575 e faasaga i popolega aga'i i auaunaga tau le soifua maloloina ma i'uga e tāua tele mo Maoli.

Ms Fiona Pimm (Ngāi Tahu, Kāti Māmoe, Waitaha)

O Fiona Pimm o se ta'ita'i e telē le tomai i matāfaioi tau pulega i le vaega o le soifua maloloina, ofisa o le malō, faalapopotoga tumaoti a le komiuniti, iwi ma runanga faalotoifale. O lo'o ia umia i le taimi nei matāfaioi tau pulega i le soifua maloloina, a'oa'oga ma faalapopotoga e feagai ma polokalame faalea'oa'oga mo tagata faigaluega aemaise ole Fono faatonu a le Te Runanga o Ngai Tahu ma le fono faatonu a le NZ Parole. E aumau i Kalaiesetete.

O Pimm sa galue i le pito i luma o auaunaga tau le soifua maloloina, amata o se Medical Radiation Technologist ona agai ane lea i auaunaga o pulega a le soifua maloloina i DHBs, He Oranga Pounamu ma le Pegasus Medical Group.

O Pimm e lautele ana feso'ota'iga i vaega o le soifua maloloina i Aotearoa atoa aemaise lava i le Primary Care ma le Māori Health sector (vaega o le Soifua Maloloina a Maoli).

Ms Awerangi Tamihere (Ngātu Kauwhata, Rangitane, Ngāti Porou, Rongowhakaata, Kāi Tahu)

O Awerangi Tamihere e iai lona tomai faata'ita'i sinia i le faigamalō tutotonu, ofisa o le crown i nisi itūlagi, le vaega tumaoti aemaise le galulue ma lana iwi. E aumau i Aukilani.

Talu le 2019, o Tamihere sa avea ma Ofisa Sili mo le Te Whanau o Waipareira Trust, o se auaunaga mo whanau i le komiuniti i Aukilani i sisifo, e ofoina se auaunaga tau le soifua maloloina, soifua fiafia o tagata, amiotonu ma a'oa'oga. O Tamihere fo'i o le Ofisa Sili (Chief Operating Officer) mo le Whanau Ora Commissioning Agency.

O Tamihere na ulufale i le vaega o le soifua maloloina o se tagata e patino lona tomai i le gagana tautala (speech therapist) ma faasolo ane ai e faigaluega i le Matagaluega o le Soifua Maloloina e atina'e ai tulaga faata'atitia mo le faatinoina o auaunaga mo vaega fou o le Fono faatonu a le Soifua Maloloina (Area Health Boards). Sa faigaluega i le DPMC e lagolago ai i le sologa lelei ane o le Area Health Board aga'i i Crown Health Enterprises ma sa galue foi mo le Northern Regional Health Authority e lagolago le faatinoina o fetu'una'iga.

Dr Chris Tooley (Ngāti Kahungunu)

O Dr Chris Tooley o le Ofisa Sili o le Te Puna Ora o Mataatua lea e faamautū i Whakatane lea o loo saunia atu ai auaunaga tau le tausia o le soifua maloloina ma auaunaga mo le soifua fiafia o tagata faata'amilo i le Eastern Bay of Plenty. E aumau i Ōhope.

O Dr Tooley o leisi lea ta'ita'ifono o le Kulupu o le Bay of Plenty Regional Skills Leadership, o se sui auai o le NEMA Ministerial Advisory Committee, o le faufautua ulu i le itū tau tekonoosi i le Iwi Leaders Chairs Hauora Group ma sa saofa'i fo'i i le Kulupu a le Matagaluega o le Soifua Maloloina a Maoli faatatau i le Koviti 19, le Ministry of Health Māori Covid 19 Experts Group.

I le taimi ua sola sa avea ai o ia ma faufautua sinia faa minisitā ia Sir Pita Sharples, o le Minisitā o Mataupu tau Maoli, Minisitā lagolago o A'oga ma Faasa'oga mai le va o le 2008-2014 ma sa avea ma sui ta'ita'ifono o le International Working Group of Indigenous Affairs (2015-2019).

O Dr Tooley o se tasi na manumaloina le Blake Leadership Award 2020.